

方輿考證一百卷

方輿考證（目錄）

一

方輿考證卷十五 奉天一

奉天總部

盛京城 太祖高皇帝天命十年遷瀋陽天聰五年因舊城增拓

其制

按通志舊城明為瀋陽衛洪武二十一年指揮閔忠重修周九里三十步蓋本遼金以來之瀋州治也

高三

丈五尺周圍九里三百三十二步改舊門為八

本四門

東向者左

曰撫近右曰內治南向者左曰德盛右曰天祐西向者左曰懷

遠右曰外攘北向者左曰地載右曰德勝池濶十四丈五尺周

回十里二百四步八門正對方隅截然順治元年遷都 京師

監往代留都之制量留部院各官

設戶禮兵刑工五部侍郎

設將軍鎮守並

置府尹分蒞州縣康熙十九年築關牆高七尺五寸周圍三十

二里十八步東南隅留水柵二處各十餘丈瀋水自內出焉

興京城

肇祖原皇帝始居於此

明之建州衛國語地名赫圖哈刺在盛京東少南二百七

十
里
天命七年自此遷於東京順治五年尊爲興京其城周三里
七十二步通志城周五里南北各一門東二門外城周九里南北各三

門東二門西一門

東京城在太子河東去遼陽州城八里天命六年建七年自興
京遷都於此旋遷盛京遂目此爲東京其城周六里十步高
三丈城門八

沿革

古冀青二州之域舜分冀東北爲幽州青東北爲營州夏又並營
爲冀州之域殷改冀爲營州周初復曰幽州時朝鮮國在其東
南肅慎國在其東北寔兼幽青二州之地戰國時屬燕秦置遼
東遼西二郡漢屬幽州爲遼東遼西元菟三郡地又東爲高句
麗北爲夫餘挹婁諸國地後漢建武十三年以遼東屬青州二

十四年還屬幽州安帝時增置遼東屬國都尉漢末爲公孫度所據曹魏分遼東昌黎樂浪元菟帶方置平州後還合爲幽州晉時爲高句驪所畧改遼東爲國尋復之又分遼東元菟等郡仍隸平州以慕容廆爲刺史太興二年廆據有之太和五年屬苻堅太元中屬後燕後沒於高句驪魏及隋遼河以東屬高句驪遼河以西爲營州東境又東北爲靺鞨國唐貞觀十九年征高麗置蓋遼岩三州總管初平高麗置都督府九又置安東都護以統之先天中封大氏爲勃海郡王後置五京十五府六十二州於黑水靺鞨之南及高麗舊境遼初於遼陽故城建東平郡天顯三年升爲南京十三年改爲東京金仍爲東京而以混同江以東爲上京以西爲咸平路元至元六年置東京總管府二十四年改遼陽等處行中書省統路七遼河以東曰遼陽路

東寧路瀋陽路開元路開元以東為合蘭府水達達等路遼河以西曰廣寧路大寧路明洪武四年置定遼都衛八年改遼東都指揮使司革所屬州縣置衛二十五永樂中復置安樂自在二州外衛一百八十四所二十我太祖高皇帝天命十年自東京遷瀋陽遂定都焉

形勢

東窮大海

海在盛京東四千三百餘里又東北至黑龍江入海外口四千二百餘里西接外藩土黑

曼札魯特等諸蒙古皆與錦州府接界又東開元邊外為科爾沁界又北寧古塔西邊外為郭爾羅斯杜爾伯特等部而黑龍江則與外蒙古喀爾喀東路為隣南臨朝鮮以鴨綠江土北控鄂羅斯以大興安嶺為

界東西五千餘里南北六千里控帶雄遠形勢雄於東北今按

其地長白峙於左無間拱於右滄溟鴨綠環其前混同黑水縈

其後所謂神明之奧區也國家發祥東土初遠祖居寧古塔之俄多里城

至我太祖高皇帝奄有烏喇

即吉林

寧古塔諸部地自興京再

遷瀋陽規模已宏遠矣

聖祖仁皇帝復闢地至黑龍以北大

興安山以外盡乎東北之境

世宗憲皇帝添設州縣增易駐

防幅幘萬里勢鉅形彊誠留守之雄都也凡二府四州八縣寧

古塔黑龍江二城

名山

醫無閭山

在廣寧縣西十里○名勝志虞舜封十有二山之一即幽州之鎮也

周官職方氏東北曰

幽州其山鎮曰醫無閭

爾雅九府東方之美者有醫無閭之

珣玕琪焉○漢書地理志遼東郡無慮縣應劭曰慮音閭師古

曰即所謂醫無閭縣以山名○後漢郡國志遼東屬國無慮有醫無

慮山○隋書開皇十四年詔以醫無閭爲北鎮○新唐書地理

志營州柳城有東北鎮醫無閭山○遼史地理志顯州奉先軍

本勃海顯德府地人皇王

耶律
突欲

性好讀書不喜射獵購書數萬

卷置醫巫閭山絕頂築堂曰望海山南去海一百三十里大同

元年世宗親護人皇王靈駕歸自汴京以人皇王愛醫無閭山

水奇秀因葬焉山形掩抱六重於其中作影殿制度宏麗州在

山東南○許亢宗行程錄出渝關東南行北限大山皆粗惡不

毛至此忽峭拔摩空蒼翠萬仞全類江左乃醫巫閭山也成周

之時以醫巫閭作鎮其遠如此○名山志其山掩抱六重又名

六山上有桃花洞聖水盆三水懸崖下灘雖冬不水又有仙人

岩飛瀑岩

耶律楚材詩有云閭山舊隱天涯遠又云同到閭山
舊隱居又云積年歸夢遶閭山又云無恙閭峯三百

寺又云東州元有舊閭山可謂念釋不忘邪律突欲○通志高

愛其奇秀許亢宗謂其全類江左則其山可想見也十餘里周回二百四十里山下有北鎮廟歷代皆有封爵明初

始尊爲北鎮醫無閭山之神 本朝凡遇大典遣官祭告如儀

其形勢恢特窅與雄峙遼水之右與長白山夾護 王氣以壯

鴻圖者也

又云廟北有仙人岩孤石峭拔上鑄呂仙像又名呂公岩廟西有翠雲屏一石方廣丈餘下有竇南北相

通又有桃花洞飛瀑岩懸泉下瀉雖冬不冰構觀音閣臨之其麓屹立兩石如門雲烟出壑縈繞重巒其名勝莫可殫述也

長白山

通志在船廠城東南一千三百餘里一統志云通志謂在船廠東南一千三百餘里今考此山寔在城東南六百里

山海經大荒北徑大荒之中有山曰不咸有肅慎氏之國

按即長白

也○晉書肅慎氏亦名挹婁在不咸山北○魏書勿吉國傳國

南有徒太山魏言太白有虎豹豺狼害人人不得山上洩汗行

逕山者皆以物盛去○隋書靺鞨傳國有徒太山者俗甚敬畏

有熊羆豺狼皆不害人人亦不敢殺又云國有七部其七曰白

山部在粟末東南○唐書黑水靺鞨傳居肅慎地亦曰挹婁元

魏曰勿吉東瀕海西屬突厥南高麗北室韋離爲數十部其著

者粟末部居最南抵太白山亦曰徒太山與高麗接○契丹國

志雜記長白山在冷山東南千餘里黑水發源於此蓋指混同江為黑水

也○金史地理志上京路即海古之地金之舊土也其山有長

白○明統志在故會寧府南六十里按會寧府金置東至胡里改路六百三十里西至肇

州五百五十里北至蒲興路七百里南至恤品路一千六百里

一統志會寧故城在寧古塔西南通志在長白山北按出虎水

之旁今寧古塔有古城內有宮殿舊基土人猶稱東京即其地

也扈從錄沙林東南十五里曰火茸城金之上京會寧府也自

沙林而東八十里曰寧古塔據此則金之上京去橫亘千里高

長白山尚遠明統志謂在寧會府南六十里誤矣

二百里其巔有潭周回八十里潭今名南流為鴨綠江北流為

混同江東流為阿也苦江按今東流者為土門江或今昔稱名之異也○通志土名

歌爾民商堅阿隣金大定十二年即山北建廟冊為興國靈應

王明昌四年尊為開天宏聖帝 本朝考正祀典尊為長白山

之神 國家大典遣官祭告如岳鎮儀康熙十七年遣大臣覺

羅吳木訥等登山相視見山麓一所四周密林叢蔚其中圓平

草木不生出林里許香樹行列黃花紛郁山半雲垂霧幕諸大

臣跪宣 勅旨雲霧倏廓山形瞭然有逕可登山腰見石砌平

臺登望山巔作圓形積雪皚然及陟其上五峯環峙如俯南一

峯稍下如門中潭窈沓周可四十里山之四周百泉奔注卽三

大江所由發源也

方象瑛封長白山記遠望山形長濶近視頗圓山高約百里五峯環遠憑水而立有池約

三四十里無草木碧水澄清波紋蕩漾繞池諸峯望之搖搖若墜觀者駭焉二十二年復遣駐防協

領勒出周圍相山形勢廣袤綿亘畧如明統志所云其南麓惋

延旁薄分爲兩幹一西南指者東界鴨綠江西界通加江麓盡

處兩江會焉一繞山之西而北亘數百里以其爲眾水所分舊

志總謂之分水嶺今則西至興京邊茂樹深林呼爲納綠窩集

從此西入 興京門遂爲開運山自納綠窩集而北一岡袤四

十餘里土人呼爲歌爾民朱敦復西指入英額邊門爲天柱隆

業二山回旋結屈虎踞龍蟠其間因地立名為岡為嶺者不一

要皆此山之支裔也按三國志母邱儉傳六年復征高句麗奔潰儉遣元菟太守王頎追之過沃沮千餘

里至肅慎氏南界刻石紀功刊丸都之山銘不耐之城夫肅慎

氏南界之山曰長白山然則丸都即長白與但其傳前云高麗

王宮進軍沸流水大戰梁口宮連破走儉遂束馬懸車以登丸

都屠高句麗所都云云查朝鮮國志沸流水在其境內則丸都

山又似在彼俟再考又長白山朝鮮國志謂之白頭山

大川

遼水漢志水經俱謂之大遼水即潢水也詳卷十承德府出札薩克蒙古

克西克騰旗西一百五里之山左麓東流合老河又東北至札

魯特南奈曼北又東南經喀爾喀二旗北又東經科爾沁左翼

境又東南八百里至開元邊外合東北來之黑爾蘇河亦遼水東北之

一源也

二派既合東南流入開元西境又南經鐵嶺縣西北又西

南至盛京西北境又西南流俗名巨流河或作又西南經遼

柵柳

陽州西境渾河自東來會亦曰小遼水又西南至海城縣西北境

經其西南而入於海一統志今黑爾蘇河出自吉林烏刺西南北流出邊即折而西南其西一源即西刺

木倫至開元西北邊外合黑爾蘇河人邊為遼河漢志水經注所稱遼源皆指今西北一支其東南之一源則始於通典又杜

薩克蒙古部內大川曰潢水經科爾沁左翼西南六十里又東南會遼水入口按所云遼水即黑爾蘇河也又盛京志遼水

出邊外有二源其一自西北來其一自東南出長白山西北諸窩集中為黑爾蘇河北流出邊西北繞鄧子村折而西南與西

北來者合據此是皆以黑爾蘇河為東源也至渾河漢志雖目為遼水水經注雖目為小遼水然其源流在黑爾速河之下水

道提綱遼指為遼水之東北源似屬未合

鳴綠江即古之馬訾水也○漢書地理志西蓋馬馬訾水西北入

鹽難水西南至西安平入海過郡二行一千一百里○唐書高

麗傳有馬訾水出靺鞨之白山色若鴨頭號鴨綠水歷國內城

西與鹽難水合又西南至安市入於海而平壤在鴨綠東南平壤

城高麗所都也以巨艦濟人因恃以為塹○通典鴨綠水在平壤西北

四百五十里○契丹國志女真居混同江之東山乃鴨綠之源

○遼史太祖紀九年十月釣魚於鴨綠江○今水出長白山南

麓兩源分導合流而南折而西凡長白以西連山南麓之水皆

奔注之折而西南經帽子山東麓屈曲西北流又西南而南經

滿蒲發登高山里城又南流經末源村西又西南經地古爾城

里山西北又西流通加江

即終家江

自西北來會又南經山陽公城

西南又西南流經小丕大丕必東三城西又西經必城北又折

而南經小巨流城大水高城大吉魯城之西又折西北流經敖

登城遼郭爾城昌城之北又西北折而西南經宿州城北又西

北流更折而南流分爲三派二十里復合經九連城南

城與朝鮮愛州

對岸分界正當又南流經義州西

此朝鮮之義州也

又西南入於海亦

名益州江或呼爲靉江今江與朝鮮分界誠陪都東南之巨壑

也朝鮮國志鴨綠江亦云馬訾一云清河一曰龍灣去遼東都司五百六十里其源出白頭山至愛州于赤島東分爲三派一南流匯爲九龍淵名曰鴨綠江水色似鴨頭故名一西流爲西江一從中流名曰小西江至黔同島復合爲一至水清梁又分爲二派一西流與秋江合一南流爲大江繞威化島至暗林串西流至彌勒堂復合爲一爲大總江入於西海朱子曰女貞起處有鴨綠江傳云天下有三處大水黃河大江鴨綠江是也

混同江古粟末水也○魏書勿吉傳其國有大水濶三里餘名速

末水

速末卽粟末也

○唐書黑水靺鞨傳粟末部居最南抵太白山亦

曰徒太山與高麗接依粟末水以居水源於山西北注它漏河

又勃海傳郢銅涑三州爲獨奏州涑州以其近涑沫江蓋所謂

粟末水也○遼史聖宗太平四年詔改鴨子河爲混同江○契

丹國志溫熱者國最小太祖徙置黃龍府南百里曰賓州州近

混同江卽古之粟末河黑水也

以混同爲黑水正與金史同辨見後

○金史地理

志會寧府會寧有混同江涑流河宜春有鴨子河肇州始興有

鴨子河隆州利涉有混同江○明統志混同江源出長白山舊

名粟末河俗呼宋瓦江金史地理志上京路有宋瓦江蓋即松花江之訛音也流經金故

會寧府下達五國頭城北東入於海又云松花江出長白山北

流經金故南京城合灰扒江至海西合混同江東流入海按松花即

宋瓦之轉音既云混同江俗名宋瓦又列松花辨正見下○土名吉林烏刺有數源出長白

白山東二源正當鴨綠江源之北名土拉庫北流數十里而合

又北流百數十里折而西北會活同凡河河有四源出黑山西麓在長白山頂東北

一百四十里即長白支阜亦混同之一源也又西北流百餘里松憂里烏喇自南來

會即松花江以上俱係東源統名混同江松憂里烏刺出長白山頂稍西西北流

曰額黑諾因河又北百數十里合賽因諾因河東北而北與混

同江會此西源也至此皆合數源既合北流折而西北土門河自西南來

注之亦巨川也又北折而西北流百數十里至吉林烏刺城南折而

東北經城東而北又西北流九十里復北流分爲二派流八十

里復合於喀哈城之南又西北流出柳條邊又西北經蒙古驛

南又西北經宅賴驛南又西北合義屯河又西北經魯衣包驛

南又西北經合子驛南又西北經舍里驛南又西北經白都諾

城南水中有巨洲又西北百餘里稍折而東北嫩尼江自北來會又

東而東南復東北流拉林河自東南來注之又東北百數十里

折而東數十里復東北流經阿爾楚庫城北境又東北呼倫河

自北來注之又東經木爾昆城南又曲折而東南復東北流又

曲而東南復折而東北又北呼拉哈河南自寧古塔來會又東

折而北吞河自西北來注之復東北流經它來城北又東中有巨洲

數十而東南復東流江中沙洲無數也又東北流折而北分爲二派於

查匪噶山之北合於黑龍江噶山村落之謂也凡合小水無數不可勝紀○一統志江自遼金以